

IKOKOBEZE ILIWENA

 [Muzwale Neville u zibahalisa Muzwale Branham—Mu.] Oh, Muzwale, u lukela kulumela kuli ye kinto yekomokisa. Ni tabelia fela kufa zibiso kanti, “Ha i baliwe fa: zakuli na nahanile nto ye cwalo.”

² Na ikolanga kuba kwanu ka nako kaufela. Musipili wa luna uya ufita kwa maungulo cwale, ka luna kuba ni mina. Kakuli, luna ni mukopano omuñwi otaha kwani kwa Chicago, mi Ni lukela kuba ni—ni lubasi lwa kwa Arizona cwanoñu nyana fa. Mi ha ba si kaba kale ni pumulo ya mbumbi ya bona, mi Ni lukela ku ba lwala fa kupahama nyana kokuñwi, mwa mazazi a likani. Mi cwale Ni kaba kwahule, zazi leliñwi, leliñwi la Sunda, mi cwale ni biki yetatama ye Ni kala mwa Chicago. Mi Ni yo kuta, la Mubulo, ni kuba isa kwa Arizona.

³ Mi cwale Ni toile fela kutahanga la Sunda kakusasana, kunga nako yani koo mañi ni mañi a katuluhibe. La Sunda busihu, kamita mu katezi mi mu botehile, la Sunda busihu; mi kipeto ni ku sikuluhela sebelezo ya la Sunda busihu ku mulisana wa luna, sani—sani si maswe luli. Kono Ni toile kueza cwalo, mi ibo la Sunda busihu Ni tabelia kuli, la Sunda busihu, lube ni sebelezo ya la Sunda busihu, mi Ni bulukanga sicaba fa nako yetelele luli. Buñata bwa bona batahangha kwanu kuzwa kafoo kwahule kwa mboela ni—ni koo kwa mutulo, mi bana ni, oh, fokuñwi ba kobocanga musihali ni busihu, ili kutaha fela kwanu kwa sebelezo iliñwi, mi kipeto ba kuta. Mi leo kona libaka ha Ni lika kueza cwalo la Sunda kakusasana, ha Ni taha, ku bafa kolo ya kukuta.

⁴ Baba likute, bazamai baba sepahala, mo Ni itumela ka bona! Ba zamaisa mwa mbundu, mwa pula, ni lika zeñwi kaufela, kutaha kwanu, mwahala naha, limaili ze mianda anda, kwa sebelezo nyana feela. Kacwalo si ni eza kuikutwa kuitumela ku Mulimu, ni kwa sicaba se, ka tuso yabona yetuna—yabona yetuna, ku se Ni lika kubulela, kwa sicaba, kuli kona Niti.

⁵ Cwale, Ni lumela kuli ye ki Niti, Ni . . . ka pilu yaka kaufela. Haiba nekuna ni sika kaufela se si shutana, sene Ni hupula kuli ne si kaba hande, Ne—Ne ni ka ya pili . . . Hanina ku kupa mutu kuli aye kai kamba kai ko Ni sa yi pili, ku yo batisisa haiba ki niti kamba nee. Ne ni si ke na kupa mutu ufi kaufela kuli—kuli abe ni muhato, ku Mulimu, ze Ne ni si ka eza kale ni kuziba kuli ki Niti. Pili, ilukela kuba Linzwi la Mulena, konakuli Ni lukela kunga muhato ni kubona haiba li lukile. Mi cwale haiba ki niti, konakuli Ni kona kubulela kuli, “Taha kwanu neku *le*.” Mwabona, ki kupanga nzila.

⁶ Mi, cwale, Ni sepa kuli mukutazi ufi kaufela ulukela kueza cwalo, una ni kuya pili, yena kasibili. U lukela kuba mueteleli, mueteleli wa sicaba, isiñi kubulela sika sa si ke kubeya lizoho ku sona, yena kasibili. Lu lukela kuya mi lube baeteleli ba sicaba.

⁷ Kakusasana cwana, Ni bile ni kutwisiso ye ipitezi luli, ya mufuta o ipitezi kwanu kwa katala. Mi sani neli kuli, ka siemba sa mafelezeo sa Liñusa, Ne ni sa bati kubulela ka nzila yani. Mwabona? Kono Ni sepa kuli se li bulezwi kale, mi hakuna se Ni kona kueza ka sona cwale. Kono cwale Na fita kwa ndu, na kala kubala ka zona.

⁸ Mi ne luna ni ku kopana nyana hamoho ya lubasi, ka mizwale baka ni babañwi. Boma baile. Mi ne lu kopanelanga kwa ndu yabona, mi cwale lu ya ku Delores. Neluna ni nako yende kulo kwani musihali woo, inge lu ambola, mi Teddy nali teni. Ne lu opezi lipina zeñwi, ne li liziwa lipina zeñwi ni lika zeñwi.

⁹ Cwale Ni sepa kuli, mwendi la Sunda yetaha kakusasana, haiba Mulena wa lata, haiba Muzwale Neville ha bilaeli, cwale Ni tabela kuba ni sebelezo ya foliso, kuibeya fela kwa foliso. Mi Na—mi Na sepa, ni Liñusa kakusasana cwana, ka mwa na bonahalela Mulena ku ni etelela ku Li tisa, ku Li shitula, li lukela ku lu susueza nyana, mwa bona, ku—ku—ku lumela luli. Lu—lu bapalanga hahulu, mi lu—lu nganga lika ze shutana ni kubulela ka zona. Kono cwale ha litaha kwa kangisano, yeo ki nto ye shutana. Sina...

¹⁰ Yomuñwi na ni bulelala kuli, Ni lumela kuli neli muzwale waka kwa mulaho kwani, yana bulela likande nyana kacenu, ka za muuna, neli—neli mukutazi ni za hae...babañwi ba, alimuñwi wa kopano ya hae, na bulezi kuli na ka zamaya fa musumo.

Ki hali, “Mulisana, luli, Mulena una ni wena.”

Ki hali, “Na kona ku nanula musumo fa mukokoto waka, ha Ni ya mwabuse.”

“Luli, Mulena una ni wena.” Mi ki ha ya ku yo eza cwalo.

¹¹ Ki hali, “Na kona ku lwala musumo, ni ku kasha mwa ngolobani kusilela mwabuse, ka nako yeswana.”

¹² “Luli, Mulisana, Mulena una ni wena. Tumelo ya hao yakona kueza sika kaufela.”

¹³ Ki hali, “Na kona kukubeya mwa ngolobani, ni kushimba musumo.”

Ki hali, “Cwale libelela fa muzuzu!” Mwabona?

¹⁴ Kwa shutana hau se ukeni mwateni, wena kasibili. Mwabona? Cwale, fo, ki hande luli halu kabulela fa kuli, “Amen.” Ki nto yende kuli lu bulele kuli, “Ni lumela kuli yeo ki niti.” Kono ni ku libeya mwa kezo. Mu lukela ku libeya mwa kezo.

¹⁵ Sina ha Ni bulezi manzwi ao kakusasana cwana, sicaba ne si lobezi mwa muluti wa Pitrosi, mane ne ba si ka kupa tapelo.

¹⁶ Ni ile mwa malapa amañata, inge ni talima taba ye. Na lapela Ni si ka ya kale, mi ni yo kena fela mwani ni tozo, mi mane kusina kulapelela sicaba, ni kuzwela fande mi bafola. Mwabona? Mwabona? Yeo ki niti. Ni liboni ha li ezahala linako zeñata! Mwabona? Una ni kuba ni fokuñwi fo utomile tumelo ya hao. Ulukela ku lumela. Mi Ni lumela kuli nako se i sutelezi, mi cwale seli nako.

¹⁷ Mi Ni lemuha kuli ye ha ki sebelezo ya tepu. Bakona ku ipangela yelikani yabona bañi, kono ye ha ki tepu ye ya mwa lifasi kaufela. Ki . . .

¹⁸ Se kona sene Ni sweli kuambola kakusasana kacenu se si lu tisize fa—fa mayemo a matelele, mi kona libaka le Ni ka ngela Sunda kwa—kwa sebelezo ya foliso. Kakuli, kuzwa fo Ni bezi kwa lapa, Ni mi bulelezi ka za lipono ni ze ezahalile, ni lika kaufela, ni ku li tisa hande, kiñi Ni ezize lika ze kaufela. Mi cwale kakusasana cwana, ku litisa hande kwa Muohoho wa mafelelezo wani.

¹⁹ Cwale ki nako yaka ya kuineela ku Mulimu; nako ya Mulimu ya ku ni ambota. Mwabona, Ni—Ni—Ni swanelo fela kuba ni cinceho nyana mwa bupilo bwaka, kuli, isiñi kuli Ni hupula kuli Ni ya maswe, kono Ni—Ni bata kuba bukaufi nyana ni sicaba, mwabona, sicaba se Ni likile kubulela . . . Niti ya Evangelie, mi kipeto ba I fulalela, ni kuikela ba Li seha.

²⁰ Cwale, ku na, seo si bonahala inge kuli ki litapa. Hanina taba, ku na; kono kwa lika ze Ni bile ni bulela, Ki Niti yelika ku ba tusa. Inge ku fuluha mukolo, ni kubulela kuli, “Fa, kiye kulo fa, silela mwabuse! Kwanu, zwa mwa nuka yebayuzi yeo, u ka shwa! Wena, u ka shwela mwateni moo!” Mi ba ku seha fela, ni kuikela. Kihande, ku na, ku utwahala inge kuli, ha ba ka ya kusili, hakusana sika hape se Ni ka eza ka zona, mwabona, zeo Ni kona kueza.

²¹ Kono Ni bata kumata fa likamba ni ku ba susueza kuli, “Kifo ha kute!” Mwabona, Ni lukela kuba ni maikuto a cwalo, mwabona, kakuli Ni ziba kuli kuna ni yomuñwi kwani ya si ka taha kale. Mi Ni—Ni ka yamba kufitela . . . Na ize, kufitela tapi ya mafelelezo i shutiwa. Ni—Ni bata kueza cwalo.

²² Cwale, mi cwale, fa kukona kueza se, Ni kulubela sesiñwi kuezahala mwa mukopano wa litapelo. Sesiñwi . . . Mi buñata bwa mina mwa hupula pono ya—ya Kuhoha kwa mafelelezo, Kuhoha kwa Bulalu kwani, nitaluse. Mwa hupula? Nekuna ni sene si ezahalile kusikaba kale zeo: Na bona Liseli lani ha li taha ni kukena mwa sibaka sani, mi ali, “Ni ka ku katana kwani.” Cwale Ni libelezi nto yeñwi kuezahala.

²³ Kwanu myaha ya kwa mulaho, nekubanga kuli lisebelezo ni temuho yani ne i ni katalisanga hahulu Ne ni tantalika. Buñata

bwa mina mwa hupula cwalo. Kufita fela fa sibaka fo Ni kona kuyema mi Ni be ni Jack Moore kwa lizoho leliñwi, ni Muzwale Brown ku leliñwi, ni ku ni zamaya kafa ni kafa mwa mukwakwa, fa hola kasamulaho wa sebelezo. Mi Na fela, kwa ezahala, ne ni lika kunahana kone—kone Ni inzi kwani ni sene si nga sibaka. Mi, busihu kaufela kulobala fani ni kunahana zateñi, ni kucipita mioko ni zeñwi kaufela, mi ha ni zibi kuli kiñi hane ba si ka amuhela Mulena luna Jesu.

²⁴ Mi ki Ha ni bulelela mwa pono kuli, “Nako yeñwi uka kopana ni kalibe ya ka taha ku wena, atinile suti ya mubala o mufubelu, mi uka lwala mbututu yomunyinyani mwa kubo, mi kuzwa ka nako yani kuya kwapili, ukaba ni mata a kuba ya tiile.” Kihande, Ni mi bulelezi zeo kaufela. Mi za ezahala mwa Chicago, busihu bwani kalibe yomunyinyani wa ba Presbyterian, fani mulisana wa hae ha mu luma ni mbututu yani.

²⁵ Mi Ni lumela kuli neli muzwale wa hae, kamba alimuñwi wa bona, neli do—do dokota. Ki hali, “Hakuna sepo ku mbututu konji haiba Mulimu Yamata kaufela aka mu swala.” Ki ha ya . . .

²⁶ Na ilo bulelela bo mulisana wa hae. Mulisana wa hae ali, “Ha—Ha ni swaneli,” ki hali, “kwa—kwa kueza sika ka za foliso ya Bumulimu ye, kakuli Ha—Ha ni . . . fela nisike na i pulukela zona mwahali kuna, tumelo yeliteni fa kueza cwalo.” Cwale, koo—koo—koo ki kuba ya sephahaha kazona. Mwabona? Ki hali, “Hanina zona mwahali kuna.” Ki hali, “Kono Ne nili ku iliñwi ya mikopano ya Muzwale Branham, mi Ni ku eleza kuli unge mbututu ku—ku Muzwale Branham.” Mi dokota na mu palezwi, mi na la ishwela feela.

²⁷ Mi kalibe yomunyinyani yani akena mwani kone Ni sweli kuba ni, mufuta omuñwi wa—wa sebelezo kwa bana ba Katolika bani bene ba cisizwe kulo kwani, mwa sikolo sani kafani, mwa ziba. Mwa hupula ha ne liezahalile. Ne luna ni sebelezo yani, ni kutaha kwa katala kwa taha kalibe yomunyinyani yani ni suti ya mubala o mufubelu yani. Musala ka ni babañwi nebainzi fani, mi se Nili . . . afetuha ni kutalima, ni kutalima kafa ni kafa, ni kubona haiba ne ba yemi fani. Mi kwa ezahala kuli, Ni si ka taha kale, Ni lumela kuli Billy Paul ni babañwi ne ba sweli kuambola, kamba mufumahali kamba babañwi ba bona, ku kalibe ni mbututu yomunyinyani. Mi kalibe aya kwa katala, mi Moya o Kenile wa patulula taba yateni kaufela, ni kufolisa mbututu yani fani.

²⁸ Se ni ikela, mi kuzwa nako yani ha Ni katalangi fela. Mwabona, ha si ni bilaezi, mi Ni—Ni zwelapili fela ona cwalo.

²⁹ Cwale Ni bata nto yeñwi kuezahala, ni kukala Kuhoha kwa Bulalu kwani mwa swanelo. Mwabona? Mi mwendi ka la Sunda yetatama kakusasana ku kaba sebelezo ya foliso, mwendi ika tisa zeo. Ha ni zibi.

³⁰ Na sepa, se lu lukela kueza, mu bulelele sicaba sa henu, lube ni sicaba se si kula. Cwale, kwa sebelezo ya foliso, lu lukela ku neela sicaba se si kula. Mutise sicaba sa mina se si kula, mi muba bizeze kwanu kakusasana la Sunda yetatama, lubulele kuli ka eiti kamba eiti-seti, mi lu ka ba fa kadi ya tapelo ha ba kena mwa munyako, mo ba ezeza kaufela. Mi kipeto lukaba ni mukoloko wa litapelo ni kulapelela bakuli, ni kubona fela seo Moya o Kenile uka eza.

³¹ Ni lumela kuli Uka eza limakazo haiba lu ka Mu lumela fela, mwabona. Kono luna ni ku Mu lumela ka zeo cwale, ka lipilu za luna kaufela. Mi Ni sepa kuli hola yetuna ifitile ya kuli Mulimu, sina ha ne lu ambola kakusasana cwana, u lu bonisize zeñata hahulu, ni ku lutisa ku sesiñwi... mane kuto fita fela fa sibaka sesiñwi. Ku kasha fela fahalimwa lilundu nyana lani, mi kona fela ze mu tokwa, kipeto ona foo za ikela. Mwabona, ki—ki kuya fela inge mo ne kuinezi, ki nto yeswana, ni temuho, nto yeswana ka sipolofita, ku tokomela.

³² Ne ni yemi kwa Calgary... Mu ni swalele, neli muleneñi wa mulena wa musali, kwani kwa Regina, Regina. Mi Ern Baxter na yemi fani, ni sikwata sa luna. Mi Mulena ani bulelala, ona kwanu kwa katala, “Ku ka ezahala kuli, u ka ziba likunutu luli za lipilu za bona.” Mi yeo ki niti. Mi ne Ni si ka nahana zeo ka nzila yeo. Ne ni ile kwa katala busihu bwani, ni Ern, mi na kala fela ku lapelela bakuli. Mi se kutaha muuna cwalo, ato lobaza fela bupilo bwa hae kaufela; nako yapili ha likile za ezahala sina cwalo, mwa nako nyana, mwa sebelezo ya foliso. Mi cwale Na talima fande mwa sicaba, mi fa se Si kala kutaha mwahala sicaba ni lika zeñwi. Oh, ha lu fita kwa neku leliñwi! Licika lateni ha li si ka bulelwa kale, ka lika, ze luna ni kutokomela, ni kubona lika mwa bupilo bwa sicaba. Hakuna se ni bulela ka zona. Ni li tuhelanga fela ona cwalo, mwabona, konji haiba Ni hapelezwa luli kubulela nto yeñwi.

³³ Mi cwale Ni bata nto yetatama ye kuli ni kalise ona cwalo. Mwabona, Mulimu, ka nzila ya Hae Tota, nako ya Hae ye ipitezi, ka kukala. Mi ikaba—ikaba nto yeñwi ye kaba—ye kaba kwahule kufitelela yeñwi ya zepeli zeo. Mwabona? Mi Ni libelezi zeo kuezahala.

³⁴ Mi mwendi, Ni hupuzi kuli, kambe Ni na ni sebelezo nyana ya foliso mwendi la Sunda yetaha. Mi Sunda yetatama ye Ni kaba kwahule ni banana ni bona, kakuli bana ni kuya kwa sikolo. Mi cwale Sunda yetatama, Na, kakuli, Ni inzi kwa Chicago, kwa mukopano kwani. Mi ni kukuta la Mubulo leli tatama, kuli lufunduke la Bubeli ku ya kwa—kwa Arizona, kuli banana bakutele kwa sikolo.

³⁵ Kihande, ki sikamañi so fumani, mulisana? [Muzwale Neville uli, “Kihande, Ni fumani nto yeñwi yenca luli.”—Mu.] Kihande, zeo ki zende luli, cwale lubata ku li utwa.

³⁶ Kacwalo he mu—mu Mulena ami fuyole kaufela, hande nde, kabunde luli. Mi Ni—Ni sepa ku mi bona kwanu la Sunda yetaha. Ni la Bulalu busihu . . .

³⁷ Mi amuteeleze. Musike mwa libala likeleke zenyinyani ze, sina Muzwale Ruddell, Muzwale Jackson, Muzwale Parnell, ni mizwale ba banyinyani bani kaufela babasweli ku ikataza luli kwani, mwabona. Mi ba ikutwa kuli luna lu ba—ba—ba keleke ya bona ye lutusana ni yona kwanu, mwa bona. Lu swana sina sikwata sa me yomunyinyani ku bona. Kwani kona ko ne ba pepezwi, kuzwa kwanu, balisana ni babañwi cwalo.

³⁸ Mi mutangana nyana yo kwa mulaho kwanu, muzwale, Ne ni mu katani busihu bobuñwi kwani, Allen, Muzwale Allen yomunyinyani. Ni sepa kuli Muzwale Collins fa uka kopana ni Muzwale Allen, haiba ha mu zibi. Sibeli sa bona ki bakutazi ba Methodist, mi ba—ba boni Niti ya Linzwi.

³⁹ Ili, yona—yona kopano ya keleke ya Methodist, yeli sikwata sesinde sa batu mwa keleke ya Methodist yani. Musike mwa nahana kuli ha ba cwalo. Ba cwalo. Ki sikwata sesinde sa batu mwa keleke ya Katolika yani. Ki sikwata sesinde mwa keleke ya Presbyterian. Ni libaka zani kaufela kwani, ki baana ni basali baba libelezi kubona Liseli lani ha li monyeha mwa nzila ya bona. Mu tundamena fela ku monyeha Liseli, mwa kuishuwa, mwa bunde. Kaufela luna ha luhuleñi bukaufi ni Mulimu, ka kuikokobeza ili luna. Mwabona?

⁴⁰ Musike mwa libala, tabernakele ye ika latehelwa ki mata a yona. Muhupule kuli se ki sibaka koo Satani abeile tobolo kaufela mwa lihele kuinongisa ku zona. Uka eza kuli mutu yomuñwi aeze sika se si shutani ku sa nahana yomuñwi. U eza ona cwalo. U tamehile ku li eza. Wani kona musebezi wa hae, haiba akona kuba ni mutu ya ka bulela sika, yomuñwi ya ka bulela ka yomuñwi, uli, “Kihande, teezeza, kana wa ziba mukete Wakuli-ni-kuli na ezize?” Musike mwa li teezeza. Musike mwa li teezeza, ni hanyinyani. Yani ki diabolosi. Mwabona, ki Satani. Musike mwa li lumela.

⁴¹ Haiba kuna ni sika kaufela sa ezize mutu ka mafosisa, mu mu lapelele. Mi musike mwa lapela ka nzila ya buitati, kuli, “Ni ziba kuli ki musebezi waka, Ni lükela kulapelela muzwale yani.” U li ise fela kwa pilu ya hao, luli mwatasi, ku kezeli yani. Mi ubulele fela ni kuba ya munati luli, mi taba yapili mwa ziba, u kafumana mwa sebelezo hape. Mwabona? Kakuli, kasamulaho wa zeo kaufela, lu libile kwa malikelelo a lizazi.

⁴² Mulena Jesu uka taha leliñwi la mazazi aa. Mi, mwa ziba, Ni sepa kuli kinto ya sipundumukela mi ki—ki yende luli, mi kacwalo ku kaba swanelo ka kutala—...kalulo yetezi ya mutalelela luli wa swanelo mwa lifasi kaufela habana kuziba fo ku ezahalela Kuungelwa kwani. Li ka zamaya fela hahulu ka kukuza kuli hakuna mutu ya ka ziba sika ka zona. Mwabona?

⁴³ Mi ku kaba, eeni sha, likwata ze nyinyani li ka bulela kuli, “Kihande, cwale, wa *Kuli-ni-kuli?*”

⁴⁴ “Oh, ba bulela kuli kuna ni sikuwata sa ba fitelezi sa tumelo kulo kwani, se si bulela kuli sikuwata se si siyezi kulo kwani, mi bona . . . Zeo ha li cwalo. Ba ile fela kokuñwi. Lubile ni kufiteleza kwa tumelo kwani, mwabona.”

⁴⁵ “Kihande, ba bulela kuli tabernakele yenyinyani yani, mwa sibaka se si bizwa Jeffersonville, nekuna ni ma membala babañata hahulu bene ba tondahala.”

⁴⁶ Mwabona, ba ka bapala fela zeo ona cwalo. Ba ka li, “Oh, hakuna sika ku zeo, mwa bona,” ona cwalo, mi Li ka fela mi habana ku li ziba.

⁴⁷ Mwahala naha kaufela, ba ka taha, bona baba shwezi ku Kreste ba ka zuha pili. Kuungelwa ku ka ezahala, Keleke ika ngelwa kwa Hae. Mi kipeto Nyandiso ika taha, mi, oh, mawi, halu lati kuba mo ka nako yani. Hani lati kuba fa mwa Nyandiso. Batili. Mulimu asike alumeleza kuli yomuñwi wa luna abe mo ka nako yani. Kakuli, “ya masila abe ya masila ona cwalo; ya kenile abe ya kenile ona cwalo; ya lukile abe ya lukile ona cwalo.” Hakuna nihaiba . . . Ngunyana itile ni Buka ya Hae ya Piliso, mi Munyaliwa sa ngilwe. Baba Li hanile bana ni kufita mwa nako ya Nyandiso, bubeli bwa Majuda ni Bamacaba. Ha ki nako ya Nyandiso ni yeo! Ha ni lati zeo.

⁴⁸ “Mulena, ni kenise cwale.” Yeo ki tuto yende ya ba Nazarene, nji cwani? Mi ki niti, ni yona. Ki niti. Yeo ki niti. “Ni taze cwale ka Moya o Kenile wa Hao, Mulena. Zusa lifasi kaufela ku na cwale, Mulena. Usike—usike wa tuhela kuli lube ni . . .”

⁴⁹ Sina muzwale wa kale yomunsu hana bulezi kuli, “Muñaka, Ni sweli tikiti yaka mwa lizoho. Se i tukile kale, mi ha Ni taha kwa nuka, kakusasana wani, Hani lati kuba ni butata.”

⁵⁰ Kacwalo, yeo ki niti, Hani—Hani lati butata ni bo bukana. Swala tikiti ya hao mwa lizoho, kakuli lu ka silela mwabuse. Munahane fela ka zona, nako yetuna ya kuliululwa ifa kaufi.

⁵¹ Mi cwale nto yeñwi. Muzwale, ki yena mañi libizo, kwanu kwa Utica? Ni sepa kuli Muzwale Graham, ni muzwale yomuñwi kwani ya lisa kwani. Muzwale Shanks kamba nto yeñwi ye cwalo, kamba Sink? [Muzwale Neville uli, “Muzwale Snelling.”—Mu.] (Muzwale Snelling ki yena mulisana, hamoho?) Muzwale Snelling ki yena mulisana kwa Utica cwale. Ni sepa kuli mukopano wa bona wa litapelo uteni fa . . . [“Labune busihu.”] Labune busihu. Cwale, mwa ziba, ikona kuba hande luli hane lu ka sikuluhela la Bune busihu ni kubonisa balikani bani kutwano nyana. Mwabona? Mi cwale Muzwale Jackson, linako za nani za hae, haiba lukona fela kuba ni sikuwata nyana sa luna hamoho ni kuya.

⁵² Mu zwelepili fela kulapela, muzwelepili kukata! Eehe, musike mwa yema. Inge fela Elia mwa na ba bulelezi, kuli, “Mukate kulo foo!”

Ha u tuluka, u ngungula likapa la kale, kuli, “Ni katezi maswe”? Wa li zwisa mwa nzila ni kuzwelapili kukata. Mwabona? Muzwelepili fela ku kata, kakuli lu lukela ku kata. Lu lukela fela ku kata, ku felile. Kakuli, haiba mu—haiba mu kulubela kukena mwa Nyandiso, ki hande mukale kukata.

⁵³ Mi cwale, na kasibili, Ni sweli kukutaza ilina kwani. Ni ka kala kukata ka kutunga kufita mo Ni kile na katela fateni. Kakuli, Ni ikutwa cwalo, mwa naha ni kupotoloha lifasi, kuli bulumiwa bo bu ka eza hape, sina mo ku zibahalela cwale kai ni kai mwahala lifasi. Ni—Ni lukela kuya hape.

⁵⁴ Musala ka naize kuna... Kakusasana omuñwi, Se nili, “Ni bata kuli luye hamoho nina ha Ni funduka. Ni ka funduka ka Sope, haiba Mulena alata. Ni bata kunga musipili wa lifasi loote, musipili kaufela kupotoloha; ha ni ka yo kuta mi mwendi ni kuba ni lisebelezo mwa United States, nako yeñwi mwa mbumbi yetatama.”

Mi ki hali, “Ni supezi hahulu kuli ni zamaye.”

⁵⁵ “Kihande,” Se nili, “Ne ni ile hane Ni... mwendi, musipili waka wa mafelelezo neli wa myaha ye ketalizoho ni yemilalu kwa mulaho, mi Ni ikutwa kuli Ni inzi mwa sibupeho sesinde cwale kufita mo ne Ni bezi lilimo ze ketalizoho ka zetalu kwa mulaho, mwa ziba. Mwabona? Na ziba zeñata ka zona cwale.”

⁵⁶ Mi cwale lwa kena mwa tuto yakuli, “Haiba Mulena naize, ‘Ni ka mi kataza ka myaha ye mashumi amabeli ka ye ketalizoho. Hauna ku ba ya fokola. U ka kona kuya, mi Ni ka mi kataza ka myaha ye mashumi amabeli ka ye ketalizoho fa lifasi,’ kikuli mwakona kukala ka—ka kupepwa kuisa fa twenti faifi, kamba kuzwa fa twenti faifi kuisa fa fifite, fifite kuisa fa sebente faifi, kamba sebente faifi kuisa mwanda?”

⁵⁷ Cwale, mutu kaufela yatokwile nako kaufela mwa lifasi, kaniti uka eza nto ya putako luli haiba nji ha ini mwa sebelezo ya Mulimu. Hanina taba ka sa eza.

⁵⁸ Cwale, haiba ukaba mutu ya utwisanga bumaswe lipilu za basali, kamba zeñwi cwalo, kihande ulwale lilimo za bwanana zani, ona ze twenti-faifi za makalelo zani. Mwabona?

⁵⁹ Haiba ukaba mubeti, mulukisi, kamba nto yeñwi, kihande unge ze twenti-faifi za bubeli. Mwabona?

⁶⁰ Mi Ne ni sweli kunahana ka za kuli, “Kucwani ka na? Kikai kilifi ze Ni kona kunga?” Ne ni ka nga sebente faifi kuisa mwanda. Ne ni kaba ya butali, kutilifa. Ne ni kaba ya na ni mata hahulu. Ne ni ka ziba hahulu ka ze Ni eza. Ni na ni lilimo ze lishumi—... eiti kamba lishumi za kupepwa kufita nako yefelile hane Ni li kwa buse bwa mawate. Hanina kutula inge mo Ni

bulaezi linoha. Ni ka ziba zeñata ka zona, mwabona. Na ziba mwa kuezeza.

⁶¹ Kuswana fela inge nja ya kuzuma ni yona ha ilwanisa kangamba, mwabona. Mwa ziba hande mwa ku ka swalela. Ha u tulela mwateni; i ka ku falula. Mwabona, kuziba makilikicani a yona ni ku i bona se i eza. Mi lu ituta hahulu za sila. Kacwalo lu lukela kufumana makilikicani a hae kaufela, ni mwa atuhela, ni sa eza, ni kuituta kubika liñindi, konakuli u lutilwe ku kena ku yena, mwabona.

⁶² “Kacwalo Na lumela cwale,” Na bulelala musala ka, “Ni lumela kuli Ni inzi mwa sibupeho sesinde cwale kufita mo ne Ni inezi hane Ni li wa myaha ye mashumi amane ya kupepwa, ni kuya ni yena.” Mwabona, mi Ni na ni myaha ye mashumi aketalizoho ka zene. Mi Na lumela, haiba Ni pila mi ni sa kona kuba hande mo Ni konela cwale, ha Ni li wa mwanda, haiba Ni...haiba Jesu uka liyeha hahulu, Ne ni kaba mwa buino bobunde cwale kufita mo Ni inezi cwale, kuli ni ye. Mwabona? Kakuli, mwa ziba zeñata ka zona, mwa ziba zeñata za kueza, ni mwa ku ikungela zona, mwa ku swalela buino.

⁶³ Munge batu babañata cwale, haiba ba ka yo pazuliwa. “Ba bulela kuli dokota yomunca na sa zo feza fela zazi leliñwi, mi ataha fela kuzwa mwa sikolo sa milyani. Ha si pazula kale mutu fateni. Mu tuhele aeze musebezi woo.”

⁶⁴ “Oh, batili,” ne mu ka bulela kuli, “hakuna sa kueza. Isiñi mutangana yani. Batili, sha. Ibo, batili, luli. Ha ni lati kuli abeye tipa kuna. Kihande, Ni tabla kuli ni ye kwa sibaka sa *Kuli-ni-kuli*. Ni utwa kuli una ni ku pazula linako zeñata. Wa ziba mwa ku ezeza.” Kona cwalo, mwabona. Woo kona mulelo.

⁶⁵ Mu nahana ka se, kono kucwani ka moyo wani? Ni bata mutu ya ziba kwa inzi, mi wa ziba nzila; ya zamaila ni yona. Eeni, kaniti.

⁶⁶ Mulena ami fuyole. Ku lukile, Muzwale Neville, taha kwanu cwale. Mi Mulimu afuyole Muzwale Neville. Musike mwa libala cwale, Sunda yetaha.

⁶⁷ [Muzwale Neville ubulela ka za Muzwale Branham ni Muzwale Vayle fa muzuzu ulimuñwi, mi uli, “Mi Ni lata ku amuhela bakutazi ba Mulimu, sihulu baba beleka hamoho ni Se, mi ku Lona hamoho ni luna. Ni lata ku utwa ku bona.”—Mu.] Amen. [“Kacwalo Na kupa Dokota Lee Vayle, Na li, ‘Kikuli uka kutaza haiba Muzwale Branham a sa kutazi?’ Mi Muzwale Branham na si ka ziba. Hakulata na zibile cwalo.”]

Batili, Ne ni si ka eza ziba. Mane ne ni si ka bulela nako yetelele cwalo.

⁶⁸ [Muzwale Neville uli, “Kacwalo Ni kupile Muzwale Vayle, busihu bo, haiba uka lu kutaleza kwateni, haiba Muzwale Branham ha kutazi. Kakuli na zibani ni yena mwa mikopano,

mi wa ziba ka za Nzila, ona Nzila ye. Mi lu tabile kuba ni Muzwale Vayle. Na itumela ku yena ni ku mu kuteka hande sina mo Ni ezeza kwa bakutazi babañwi kaufela, mi sina mo Ni ezelize ku babañwi kaufela. Mi kacwalo uka taha busihu bo mi abulele ku luna, Ni ka tabela kuli aeze cwalo.”—Mu.] Amen. [“Mulimu aku fuyole, mi halu lapeleleñi Muzwale Vayle. Babañwi ba mina ha mu si ka mu utwa kale, mi Ni sepa kuli mu ka mu lapelela.”] Eeni.

⁶⁹ Ne ni si ka feza nako ya hae kaufela. Ni kupa swalelo kwa sicaba. Ne ni sa zibi, inge niinzi fani, kuli yena... se ne si lukisizwe. Mulimu aku fuyole, Muzwale Vayle.

⁷⁰ [Muzwale Lee Vayle uli, “Ne li si ka lukiswa. Ki hali, kambe no ‘si ka bulela.’ Ni kuli utahe.”—Mu.] Kihande. Zeo ki zende.

⁷¹ Ni ka mu utwa, na kasibili. Muzwale Vayle ubulezi linako zeñata kwapili kuna, mwa mikopano, ni—ni zeñwi cwalo. Na zamaisize mikopano fa nako yetelele, mi ki muzwale yomunde, na ezize musebezi o mutuna luli. Mi Ni sepa kuli sicaba se si tabile kamita kuutwa Muzwale Vayle ha bulela. Mulena afuyole Muzwale Vayle. [Hakuna manzwi fa tepu—Mu.]

⁷² Zeñata luli li bulezwi kufitela Ni—Ni—Ni palelwa kubulela sika kaufela kuli ni eze hande. Mi Ni lumela kaniti kuli neli Mulena ya na belekile se ka Muzwale Vayle kutisa liñusa le, kakusasana cwana. Mwa bona, lina ni kubeleka ka nzila yeo. Lwa—lwa amuhela sani kuzwa ku Mulimu. Sikamañi, kuna ni lika zeñata hahulu ka za na bulela; Ni—Ni—Ni nani likutazo ze mashumi amabeli ze ñozwi kulo fa, ka za bulezi.

⁷³ Ne ni sweli kunahana fa ka siswaniso silisiñwi, sa ku yemela sa na bulezi. Cwale, lu talima fa waci ye, kuli lu zibe kuli ki nako mañi. Konji kube kuli siemba kaufela mwa waci yani si swalisaní, hamoho ni sesiñwi, haluna kuziba nako yelukile. Kana ku cwalo? Mi seo silwala luna kaufela, kaufela hamoho, haiba lu bata kubona Kuhoa kwa Bulalu, luli mueze sesiñwi ku Mulimu, ki ku kuswalisana hamoho mañi ni mañi wa luna hamoho, ku ikokobeza ili luna fapila Mulimu ni kuipulela bufosi bwa luna, ni kulapela ni kulumela Mulimu ka lika ze.

⁷⁴ Ni lumela kaniti kuli sa bulezi Muzwale Vayle kona Niti, kuli Mulimu haana kubeya Moya wa Hae mwa tempele yesika kena, yesika luka, ye ikanyisa. Batili. I lukela kutaha mwa—mwa nzila ya kukenisa kwa lipilu zaluna kuzwa kwa nyoko kaufela ni bumaswe, kuli lukone kuba baba kenile fapila Mulimu, kuli Akone kubeleka Moya o Kenile wa Hae mwahala luna, kuli atise lika ze kuli liezahale. Ni—Ni sepa kuli, ha mu ka ya kwa mandu busihu boo, haiba mu ka bala Buka nyana yani ya Juda, mu ka ituta hahulu zeñata cwale za bulezi Muzwale Vayle. Mi ki hali, “Ni Iwanelia Tumelo yekile yafiwa hañwi kwa balumeli.” Ba zwa ku Zona. Kuli batu ba minahano ye bolile, ni zeñwi cwalo,

ne bataha ni kushemaeta ku ba zwisa kwa—kwa lika za niti za Mulimu.

⁷⁵ Mi Mulimu ukona fela ku sebeza halunze lu Mu tuhela kuli a beleke. Mi kuna ni lika zeñata zende hahulu, ze Ni bulela . . .

⁷⁶ Mwa ziba, sicaba si bata mata, mi luli ha ba zibi kuli mata ki sikamañi. Mwabona, bona—bona ha ba zibi luli se—se—se si zamaeleta ni ona. Ki—ki nzila ye kambamba ki kutuluka, kamita. Haiba ubata mata, bona mo kona kubela ya ikokobelize. Uzwe fela kwa minahano ya hao ya lifasi, ni kuikokobeza ili wena fapila Mulimu, mi kipeto una ni mata amatuna kufita mutu ya mata mata mwa muyaho kaufela ni kueza lilata lelituna; mwabona, kakuli wakona ku ikoma ili wena, ni kuipeya ku Kreste, mwa bona, ku ikokobeza ili wena fapila Hae. Ani kona mata luli.

⁷⁷ Mu ni bonise keleke ye ishuwile, ye ikokobelize hahulu, isiñi ya—ya buikanyiso; keleke, yende fela, keleke ye ishuwile, Ni ka mi bonisa keleke yena ni sishemo ni mata a Mulimu ku yona. Yeo ki niti. Yeo kona nto ye ezahala, kuikokobeza, ku ikokobeza ili luna fapila Mulimu, ku lumeleza Mulimu kubeleka ku luna. Ha u lukeli kutaza lilata lelituna.

⁷⁸ Linako zeñwi, sina mulimi ha na bulezi, naile kwa simu ni koloi ya hae, mi, nako kaufela ha na nata fa lisinde, ne i taza lilata ni kuya imbambala cwalo. Kono ha yo kuta, a ngungula fa lisinde leliswana mi ne i si ka taza lilata nihanyinyani, kakuli ne i lwezi lika zende.

⁷⁹ Kacwalo Ni sepa kuli yeo ki niti fela, mwabona, kuli lutale lika zende za Mulimu, kuli muselo wa Moya u zibahale ka luna. Sina ha na swanisisize hahulu kwa Makorinte Bapili 13 fani, ni kuli, kuli, “Ni ha Ni kafa mubili waka kuli u ciswe, ni kuba ni lika ze kaufela, mi hanina lilato; ha ki zeñwi, ze ni tibelanga ha ki lika.” Mwa bona? Lu bata kueza cwalo.

⁸⁰ Fahalimwa lika kaufela, ki mioyo ya luna bañi yo lu ikalabela fapila Mulimu. Mwabona, ki—ki *wena* yaya kwa Lihalimu. Ha ki kuli kana ki *Na* yaya, kamba ki *yena* yaya. Ki *wena* yaya, mwabona, ni mina pili. Mi una ni kutilima se hande ni kutaha ka bunde fapila Mulena.

⁸¹ Mi Ni fumani kamita kuli mutu ya ikokobeza ili yena ki mutu yo Mulimu a pahamisa. Ha u nga mutu ya fumbukile sifuba mi ki ya ziba lika kaufela, mi haukonu ku mu bulelela sika, mi una ni muikuhumuso, mi—mi, kihande, yani—yani ki yena mutu ya sike afita fahule mane. Kono unge mutu ya ikokobeza yoo ni kuzamaya hamunati.

⁸² Ne ni sweli kuambola ni muuna zazi leliñwi, kwani ki ku ongaonga fela keleke kwa . . . na zwile mwa kopano kuli ba bile . . . Ku lukile, kihande, ki Muzwale Boze, ni keleke yani kone bana ni, nebana ni keleke yetuna yani fa nako yetelele hahulu, mi Mulena u mu fuyozi. Mi sicaba sa fita fa sibaka se ne ba

bata kukabisa hande zeñwi kaufela, mi na bata ku li nepela mwa kopano. Mi ba si no eza cwalo, neli fela... Bakreste baba ishuwile bani kwani ne ba sa lati zeo. Bupilo bwa bona kaufela, ne ba lutilwe ku li lwanisa, kacwalo ba ikela kwahule ni zona. Cwale bana ni sikhata, mi Mulena u ba fuyozzi kufitela bakena mwateni, kutaha mwa sibaka sesituna cwale hape, kwa keleke cwale ye na ni batu baba fo kamba faifi sausande, mi basweli kukalisa sinca.

⁸³ Mi ba taha ku na, mi bali, "Muzwale Branham," inge ni inzi mwa ofisi mwani, ofisi ya keleke, zazi leliñwi. Mi ki hali, alimuñwi wa baeteleli, Muzwale Carlson ni babañwi, ali, "Ki sikamañi se lu lukela kueza?"

⁸⁴ Se nili, "Mubate muuna ya kaba mulisana yasina libubo ni yekana mwa kopano kaufela, yali fela yomunde luli, mi ili muzwale wa niti, ya munati, ya ipilela bupilo hande. Mulimu uka tokomela ze siyezi zateni, mwabona." Se nili, "Mulisana yomunde ya ka fepa lingu, ni ku ikokobeza ni lika zeñwi, Mulimu uka eza ze siyezi. Haiba mu ka... Isiñi yomuñwi yomutuna ya ziba lika kaufela kuli atahé mwateni, kubeya se mwa sikuka, mi yo ulukela kuba ka nzila ye, ni kupumaka lika." Se nili, "Halina kubeleka. Mu se mufitile fela ku zona."

⁸⁵ Kona cwalo, siemba kaufela mwa keleke si lukela kubeleka hamoho, mi mu lukela kubuluka siemba sa sona, kacwalo lu bona kuli ki nako mañi ye lupila ku yona. Lwa kona kuba bukaufi kufita mo lu nahanelia.

⁸⁶ Cwale, lwa itumela ku Muzwale Vayle. Nji cwani? Mulena aku fuyole, Muzwale Vayle. Ni itumezi. Mi lu itumela ku Mulena ka kutisa liñusa tuna le ku luna busihu boo.

⁸⁷ Mi Nina ni kañolo, ka mizuzu nyana yefitile. Alimuñwi wa likezeli una ni sa na bata kubulela, mwa tolo. Haiba u ka ni ñolela fela, kezeli, Ni—Ni... U mufile litolo ze bile za niti luli. Ha lu amuheli litolo kaufela. Batili, batili. Kono haiba ki za Mulimu, lu bata kuziba kuli ki Mulimu ya ambola ku luna.

⁸⁸ Sina lika kaufela ze bulela ka malimi, ha lu lumeli cwalo; kono haiba kuna ni toloko ye taha ye lu bulelala nto yeñwi ye ka ezahala, lwa libona ha li ezahala, kipeto lwa itumela ku Mulena ka zona. Mwabona?

⁸⁹ Lu bata ku li beya ka bunolo, ha munati, ni ka swanelo ya Mulena. Kacwalo muhupule feela, kuli siemba sa hao sakona kuba sabutokwa luli, kamba sikona kuba nto yenyinyani, lizoho nyana fela, kamba siemba nyana sesiñwi, kamba moyo osweli kufuka, seo kaufela sikona kuba sona, kamba ikona kuba mazoho fa pata a waci, ye bulela nako. Kono seo kaufela sili sona, si lukenya kaufela luna mwa kutwano ni Evangelii ya Jesu Kreste, kuli taba ye i ezahale.

⁹⁰ Munahane fela! Haiba limpo ki zetuna hahulu, ze lu biza kuli mata; mi Paulusi ali, "Ni ha Ni kaba ni tumelo kuli Ni

shimbulula lilundu, mi hanina lilato, Ha ni sesiñwi.” Munahane ka zeo.

⁹¹ Mi ni ha mu kali, “Kihande, ni ha Ni—Ni utwisisa . . . Ni lakaza kuli kambe Ni ziba Bibele.”

⁹² “Ni ha Ni ka utwisisa likunutu kaufela za Mulimu” mwabona, “ni ha Ni kona kueza cwalo ni kutokwa lilato, Ha ni sesiñwi,” mwabona, “Ha ni si ka fita kale fahule.” Mwabona, taba ya butokwa ki kuli, lilato Mulimu, ni kuikokobeza ili wena ka zona.

⁹³ Cwale, kaniti, kasamulaho wa myaha ye kaufela mwa simu ni kupotoloha lifasi, ni kubona batu baba shutana, Ni swanela kuziba zeñwi ka munyako wa ku kena mwahali ka ona. Mi haiba ubata kuba ni sibaka sesiñwi ni Mulimu, usike wa tuhelela moyo o mahañi kutaha bukaufi ni wena. Musike mwa tuhelela piluseta kukena mwateni. Hakuna taba ka sa ezize mutu, haiba u fosize, mu si ke mwa yaha lukwakwa ka kulwanisa mutu yoo. Mwabona? U be yomunde mi wa sishemo. Muhipule, Mulimu na ku latile ha no li mwa sibi. Mi haiba Moya wa Mulimu u ku wena, u ka lata mutu yомуñwi ni ha fosize. Mwabona, u mu lapelele fela, ni ku latana yомуñwi ni yомуñwi.

⁹⁴ Fahalimwa lika kaufela, mulate Mulimu ni ku latana. Mi mu ikokobeze ni Mulimu ni ku yомуñwi ni yомуñwi, mi Mulimu uka lu fuyola, mi kutata kubulela Sa ka eza. Hañata keleke haikala kuba ni lipalo zetuna ni kuba ni zetuna nyana, kamba nto yeñwi ye cwalo, kipeto ba zwa sika sa luli, sika sa luli.

⁹⁵ Kana mwa ziba sene si tisize lika ze ku to ezahala, hane Ni kalile pili mi Mulena abonahala kuna kwa nuka ani bulelela cwalo? Mi Muzwale Vayle na boni sani, Na lumela, mwa mutende mwa Canada, lilimo zeñata kwa mulaho, koo Lingeloi la Mulena lani ne li bonahezi kwa nuka kwani, neli ku ba Swalisan ya Sicaba, “Liseli la kunutu fahalimwa mukutazi wa mwa sibaka, inge a kolobeza.” Mi—mi mwa ziba sene si ezize cwalo? Hane luna ni mukopano wa tende mwa mukwakwa fela, tende yene inzi bukaufi ni yona, oh, batu baba mianda ye twenty-faifi, bakutazi ba zwelela kai ni kai, mi bali, “Muzwale, taha kwanu fa muzuzu fela.” Ne nili fela mushimani, cwalo, oh, nenili fela mwanana. Mi ki hali, “U beya cwani sicaba sani mwa buñwi? Ba latana kufitela ba . . . Ha ni si ka bona batu baba latana cwalo fateni.”

⁹⁶ Yani ki Mulena. Sani kona sene i tomilwe keleke ye kusona, ona lilato la bumulimu lani, lilato la sizwale ku yомуñwi ni yомуñwi. Ni ba boni mane ha ba swalana mwa mazoho ni yомуñwi, kuzwa mwa sibaka, ni kulila inge limbututu, ku siyana. Ne ba latana handende ona cwalo. Mi Ne ni yanga kwa mandu abona ku yo ba potela, mi linako zeñwi Bibele ne i beilwe ikwaluhile ni kutala fela mioko. Kutaha mwateni, ka nako ya busihu, ko bondatahe ni bomahe ne ba kopani hamoho, ni bana ba bona ba banyinyanifafasi, ba kubama kwa ni kwa; mi bo

ndate ni boma ba kubami fa mañwele, ba lila ni kulapela. Ne ni yemanga fa munyako ni kulibeleta ni kulibeleta. Mi ha ne ba sa tuheli kulapela, Ne ni ina fela fa mahatelo ni kukala kulapela, nina, ku ba libeleta, mwabona. Mi sani—sani neli sona . . . mi ba latana yomuñwi ni yomuñwi. Ba latana yomuñwi ni yomuñwi. Ne lu yemanga ni kuopela pina ya kale yani:

Ufuyolwe muhala o tama
Lipilu zaluna mwa lilato la Bukreste;
Ki kopano ya mihupulo ye swana
Yeswana sina yani wa kwa Halimu.

Mi ha lu ta siyana,
Si lufa butuku mwahali;
Kono luka swalisana hamoho mwa lipilu,
Ni kusepa kukopana hape.

⁹⁷ Ni bulela se ka tabo yetuna mwa pilu yaka, ku Kreste. Buñata bwa bona ba lobezi mwa mabita a ñozwi busihu boo, ba libelezi zuho yetuna yani ko lu ka kopana hamoho hape.

⁹⁸ Moya wo shangwe usike wa zwa mwa sibaka se! Haiba ku kaba cwalo, konakuli Hanina taba kamba mulisana wa mina ukona kuba ya cwani hande, mwa kona kutisa Linzwi la Mulimu, Moya wa Mulimu u halifisizwe. Mwabona? Ha lu kona kuba ni lika kaufela mwa kopano, ka kuswana fela, ni ku latana, kipeto Mulimu uka beleka ni luna.

⁹⁹ Mi lu buluka nako, kuli sicaba si tahe ni kubulela kuli, “Haiba nji ubata kubona keleke ye ishuwile luli, keleke ye lata Mulimu luli, mufitele kwa tabernakele kwani nako yeñwi ni ku ba bona. Mutualime fa taba ye ba nani ku yomuñwi ni yomuñwi, likute; mi Evangeli ha i kutazwa, likute lateni, lika kaufela mo libelanga ka swanelo.” Eeni, konakuli bakona kutilima ni kubona nako ye lupila ku yona. Mu ka bona Moya wa Mulimu ha u zamaya mwahala mina, lisupo zetuna ni ze komokisa ni lika zeñwi li ka ezahala. Haiba taba yateni ibeleka hamoho, kikuli i ka bulela nako yekumbahalile. Kono haiba ha i beleki, kona kuli nako ika yema, haina kubulela nako ni hanyinyani. Kacwalo haiba lu bata kuziba nako ye lupila ku yona, lukale fela mutu kaufela kuli a sebeze hamoho mwa Evangeli, ka ku latana, ni ku lata Mulimu, mi manaka ayona aka bulela nako ye lupila ku yona. Kana mwa lumela cwalo? Luli. Amen. Mulena ami fuyole, ka kutala luli.

¹⁰⁰ Musike mwa libala cwale, mutahe kwa sunda ye. Mi haiba mwa ziba yomuñwi wa batu baba kula baba kena mwahali, mu ba bulelele, ha ba taha, muli, “Mulatiwa, Ni bata ku kuba. Luna ni kulapelela bakuli, la Sunda kakusasana, kwa tabernakele. Mi mubile mu kula fa nako nyana, cwale Ni bata . . .”

“Kihande, Ni bata kuya. Ni bile ni bata kuya kamita.”

¹⁰¹ “Cwale, Ni utwile fela liñusa la Sunda busihu, kuzwa ku muzwale kwani, ka mo lu lukela ku bulelela bumaswe bwa luna ku yomuñwi ni yomuñwi, ni ku lapelelana, kuli lukone kufoliswa. Jakobo 5:14, 13, 14, 15, mwabona, kuli lu lukela kuipulela bumaswe bwa luna ku yomuñwi ni yomuñwi mane lu si ka taha kale kwa foliso. Eehe. Kuipulela bumaswe bwa luna ku yomuñwi ni yomuñwi, ni kulapelelana mañi ni mañi.” Mwabona? Mwabona seo? Ona cwalo fela za na bulela busihu boo, sitisa limbuyoti mwateni ni Mareka 16. Kutamahanya zeo hamoho, muna ni zona, kipeto foliso ya nga sibaka.

¹⁰² Mutualime Jesu, hakuna sika kwanda sishañata silisiñwi sa lilato. Mwabona? Na li Mulimu ya bonahalile. Yena, Mulimu, na iponahaza Iliyena ka Yena, ki kabakaleo limakazo ni lika zeñwi ne li ezahalile. Bupilo bwa hae bo bu ishwile, ni bupilo bo bu ipile; kuzwa kwa kuba Mulimu, kuba mutu fa lifasi fa, kuli abulelele Mulimu ka Yena anosi. Sani kona sene si Mu ezize kuba sa Nali sona. Ni bile ni bulelanga kamita kuli, “Sene si ezize Jesu kuba Mulimu, ku na, neli ka nzila ya Na ikokobeza ili Yena. Nali yomutuna hahulu, kono niteni na kaba yomunyinyani hahulu.” Mwabona? Yeo ki niti.

¹⁰³ Mulena ami fuyole hande luli. Cwale halu yemeni, mi luzwe. Halu likeni fela cwalo, (hakulata hamukoni ku i ziba, kezeli), yani yeli, *Ufuyolwe Muhala O Tama*. Halu opeleñi yeo fa nako iliñwi, mukaeza cwalo? Aku lufe munembo.

Ufuyolwe muhala o tama
Lipilu zaluna mwa lilato la Bukreste;
Kopano ya mihipulo ye swana
Yeswana sina yani wa kwa Halimu.

¹⁰⁴ Cwale halunze lu opela timana ya mafelelezo ye, ha lu swalaneñi mwa mazoho, “Ha lu ta siyana,” ni kubulela fela kuli, “Mulimu aku fuyole, muzwale, kezeli. Ni tabile hahulu kuba mo ni wena busihu boo.” Mwabona, nto yeñwi ye cwalo, kipeto mu sikuluhe cwale. Cwale halu iopeleñi.

Ha lu ta siya . . .

Mulimuaku fuyole, Muzwale Neville!

Si lufa butuku mwahali;
Kono luka swalisana hamoho mwa lipilu,
Ni kusepa kukopana hape.

¹⁰⁵ Mo lu latela Mulena Jesu! Nji cwani? Cwani . . .

. . . kufitela lu kopana!
Kufitela lu kopana kwa mautu a Jesu; (Kufitela
lu kopana!)
Kufitela lu kopana! kufitela lu kopana!
Mulimu abe ni mina kufitela lu kopana hape!

Halu itimeñi kwa meto, ni kuopela fela cwalo mwa
Moya cwale.

Kufitela lu kopana! kufitela lu kopana!
 Kufitela lu kopana kwa mautu a Jesu;
 Kufitela lu kopana! kufitela lu kopana!
 Mulimu abe ni mina kufitela lu kopana hape!

¹⁰⁶ Cwale ni litoho za luna ze inami. Luna lu bana fela, bana ba Mulimu. Ha lu i ŋuneňi. [Muzwale Branham ukala ku ŋuňuna kuli *Mulimu Abe Ni Mina*—Mu.] Oh, mo li tiseza Moya wa Mulimu ku luna! Kana mwakona kunahana mazazi a makalelo ha ne bainanga fa bulilo bwa macwe?

Mulimu abe ni mina kufitela lu kopana hape!

¹⁰⁷ Ni litoho zaluna ze inami, Ni ka kupa Muzwale Allen kwa mulaho kafoo, muzwale yomunca mwahala luna, haiba uka lu lukulula ka linzwi la tapelo. Muzwale Allen.



IKOKOBEZE ILIWENA LOZ63-0714E
(Humble Thyself)

Liñusa le ka Muzwale William Marrion Branham, neli katalizwe lwa pili mwa Sikuwa la Sunda manzibwana, Sikulu 14, 1963 ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org